

Mohd Amirul Kasyful Nur bin Zulkifli

From: Unit Komunikasi Korporat
Sent: Thursday, August 3, 2017 9:28 PM
To: UUM - All Staff; UUM - All Students
Subject: Skor Keseluruhan Indeks Syariah Malaysia 2017 Meningkatkan



Unit Komunikasi Korporat
CORPORATE COMMUNICATION UNIT
Universiti Utara Malaysia



03 OGOS 2017 / 10 ZULKAEDAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

SKOR KESELURUHAN INDEKS SYARIAH MALAYSIA 2017 MENINGKAT



UUM ONLINE: Putrajaya - Pencapaian Indeks Syariah Malaysia (ISM) 2017 terus menunjukkan peningkatan dengan skor sebanyak 76.06 peratus, meningkat 0.6 peratus berbanding tahun 2015.

Pengumuman skor tersebut dilakukan YAB Perdana Menteri, Dato' Seri Mohd Najib Tun Razak pada Majlis Perdana Ulama-Umara dan NGO Islam Bersama YAB Perdana Menteri Dan Pembentangan Indeks Syariah Malaysia 2017 di Dewan Putra, PICC, pagi tadi.

Perdana Menteri berkata, laporan Indeks Syariah Malaysia itu merangkumi lapan bidang utama yang berkaitan dengan pelaksanaan dasar dan program kerajaan iaitu Pendidikan, Perundangan, Ekonomi, Kesihatan, Politik, Prasarana dan Persekitaran, Sosial serta Budaya.

"Penilaian skor kali pertama lalu mencatatkan 75.42 peratus sahaja di tahap memuaskan.

"Selain itu, sebanyak empat bidang menunjukkan peningkatan ketara iaitu bidang kesihatan, prasarana persekitaran, ekonomi dan sosial, manakala skor empat bidang lain iaitu pendidikan, politik, perundangan dan budaya pula masih berada di tahap yang memberangsangkan," katanya.

Seramai 222 penyelidik dari enam universiti awam telah terlibat dalam kajian ISM iaitu UUM, Universiti Islam Antarabangsa Malaysia (UIAM), Universiti Sains Islam Malaysia (USIM), Universiti Kebangsaan Malaysia (UKM), Universiti Teknologi Malaysia (UTM) dan Universiti Teknologi Mara (UiTM).

Naib Canselor, Prof Dato' Seri Dr Mohamed Mustafa Ishak merangkap ketua penyelidik UUM turut hadir ke majlis tersebut.

Indeks Syariah Malaysia telah dilancarkan oleh YAB Perdana Menteri pada 10 Februari 2015 bersempena dengan Majlis Perdana Ulama'-Umara' 2015 bertujuan menjadikan Malaysia sebagai peneraju model tadbir urus Islam yang pertama di dunia berteraskan prinsip Maqasid Syariah iaitu menjaga agama, nyawa, akal, keturunan dan harta.

YAB Perdana Menteri turut menyaksikan Majlis Menandatangani MoU ISM dengan Kementerian Kewangan Malaysia.

Hadir sama, Timbalan Perdana Menteri, Dato' Seri Dr Ahmad Zahid Hamidi dan Menteri di Jabatan Perdana Menteri, Mejar Jeneral (B) Dato' Seri Jamil Khir Baharom.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.